


金
陵
玄
觀
志


朝天宮左景



池


凌大德畫

大樹





朝天宮右景



金陵玄觀志目錄

冶城山朝天宮 大

第壹卷

命楊宗玄任持萬壽宮說

洪武 年

勅右正一薛明道

洪武十五年五月二十四日

勅左正一邵以正

天順二年五月初四日

勅真人劉淵然

洪熙元年正月十五日

護本宮勅

成化十六年二月十五日

護道箴勅

成化十二年二月二十五日

護西山道院勅

成化十三年九月十二日

御製山水圖歌賜長春真人

宣德七年二月二十六日

御製山水圖歌賜溥濟真人

成化二十年十一月初一日

御製山水圖歌賜輔教真人

成化二十年十一月初一日

〔文〕 天慶觀記

宋大學士章公權

冶城飛龍亭記略

元翰林院學士虞集

奉 勅重建朝天宮碑

明文淵閣大學士商輅

朝天宮重建全真堂記

明南祠部郎錢塘葛寅亮

周尊師傳略

明翰林學士宋濂

張公修文碑略

明翰林學士宋濂

鄭鍊師碑略

明翰林學士朱濂

長春劉真人傳略

明大學士楊傑

普濟喻真人誌略

明周洪謨

尹山人傳

明彭輅

詩

初秋西園

晉陽休之

大同八年秋九月詩

梁簡文帝

金陵懷古

唐劉禹錫

次韻樂著作天慶觀醮

宋蘇軾

萃老葺天慶觀小園

宋蘇軾

東冶亭

宋楊修

乙巳九月登冶城作

宋王安石

賦登朝天宮樓閣酒首

明劉龍

東麓亭分韻

明金大車

登東麓亭贈李道士

明葉雪樵

同沈子高飲冶城山

明葉雪樵

劉司成招登景陽閣

明葉向高

次葉少宰韻

明劉日寧

遊仙六章

明焦竑

附本宮租糧道規條例

石城山靈應觀

中

第二卷

靈應觀碑略

明禮部左侍郎羊城陳璉

詩

靈應觀

明金大車

烏龍潭

明王維禎

靈應觀

明何良俊

火星廟

小

土地廟

小

脩真菴

小

玄帝廟

小

獅子山盧龍觀

中

第三卷

御製閱江樓記

又閱江樓記

護道歲勅

閱江樓記

正統十二年八月初十日
明翰林學士宋濂

詩

重修盛龍觀碑記

明南兵部尚書新日何鑑

盛龍觀

明陳沂

盛龍觀

明陳沂

五顯廟小

龍王廟小

神策門祠山廟小

碧霞廟小

晏公廟小

三官廟小

真武廟小

洞神宮中

第四卷

修復洞神宮記
洞神宮記

宋劉勣大夫文復之
元李孝光

通靈觀

小

翔鸞廟

小

玉宸道院

小

三官堂

小

三清廟

小

真武廟

小

二郎廟

小

關王廟

小

炳靈公廟

小

四聖堂小

熒熒廟小

九天廟小

驍騎右衛蕭公廟小

清源觀中

第五卷

重建清源廟碑銘

元寧國路南陵王篤李江
明南吏部左侍郎東吳錢清

上清院小

仙鶴觀中

第六卷

東流神廟小

滄波門蕭公廟小

滄波門溫司廟

小

孝陵衛蕭公廟

小

長壽山朝真觀

中

第七卷

護道巖勅文同盧龍觀

正統十二年八月初十日

靈濟道院

小

湖塾祠山廟

小

方山洞玄觀

中

第八卷

護道巖勅文同朝天宮

正統十二年八月初十日

文

方山崇真觀略

戚氏志

香茅宇記

明盛時泰

葛仙公傳

廣列仙傳

葛稚川傳

廣列仙傳

葛稚川遺事

初潭集

詩

葛稚川贊

空中歌三首

葛仙公頌

洗藥池

方山洞玄觀

方山

唐子西

吳葛仙公

吳支道紀

晉葛稚川

宋楊修

明焦竑

玉虛觀

中

第九卷

龍都東嶽廟

小

吉山祠山廟

中

第十卷

太玄菴

小

敬思菴

小

楊塘菴

小

移忠觀

中

第十一卷

園林菴

小

板橋祠山廟

小

眼香廟

小

梁塘菴

小

佑聖觀

中

第十二卷

天妃廟

小

水府廟

小

古蹟

玄帝廟

小

熒熒廟

小

五顯廟

小

火星廟

小

古蹟

大勝關天妃廟

小

大神樂觀

第十三卷

洪武十二年十二月

日

勅諭神樂觀

勅

神樂觀提點勅

勅

御製題神樂觀道士二首

奉勅撰瑞應醴泉之碑明翰林春坊胡廣

本觀道規條例

本部職掌

本觀程額

附俗家禁約

龍江天妃宮

御製弘仁普濟天妃宮之碑

遣祭祝文

天妃宮重修碑記

明都水主事黃謙

謝太常非泊天妃宮有作

明湯顯祖

天妃宮玉皇閣夕眺
明湯顯祖

北極真武廟

勅建

遣祭祝文

〔文〕 奉 勅撰北極玄天真武祠記明朝列大夫國子祭酒宋訥

都城隍廟

遣祭祝文

〔文〕 奉 勅撰都城隍廟記明翰林學士劉三吾

祠山廣惠廟

遣祭祝文

〔文〕 奉 勅撰祠山廣惠祠記 明國子監祭酒宋訥

五顯靈順廟

遣祭祝文

〔文〕 奉 勅撰五顯靈順廟記 明國子祭酒宋訥

馴象街五顯廟

〔文〕

重修五顯廟記

明翰林修撰朱之藩

玄真觀

玄真觀考

元金陵新志

玄真觀興造記

明南吏部尚書東吳錢溥

黃鹿觀

天王廟

玄帝祠

金陵玄觀志卷一

大觀冶城山朝天宮

古蹟

勅建

在都城內冶城山西城地吳王夫差冶鑄處遂名冶城
今山後有鑄劍池見存晉改西園又爲西州建冶亭其
上楊吳就建紫極宮南唐徐鉉記冶城峻址西州舊宇
卞貞公之遺壠郭文舉之故臺載志可攷宋祥符間改
祥符宮續改天慶觀建炎兵火淳祐間制守別公之傑
重建元元貞間改玄妙觀又改永壽宮冶亭改爲飛龍
亭 國朝賜額朝天宮百僚朝賀於此習儀天順辛巳
延熹成化庚寅禮部尚書鄒幹奏舉右玄義李靖觀住

持集材鳩工聞於上命工部出給琉璃木植軍夫工匠協助落成飛龍亭奏改爲萬歲殿高居翠嶺俯瞰瑤壇其前爲大通明殿又前爲三清正殿疊拱層簷琉璃閃映備極雄觀前列諸殿俱華敞周圍廊廡八十四山門徑道折而爲九曰九曲廊其東有飛霞閣景陽閣俯眺都內一覽無遺其西有西山道院乃國初勅建以館劉真人又西有卞忠貞公墓卽其祠在焉舊有全真堂久廢今於後山聳秀處重建雲林叢蔚中居然松壇芝府公學復設於神君殿之傍東西兩廡國初賜有庄田洲地內設道錄司左右玄義各一員所領中觀

十一城內曰靈應觀盧龍觀洞神宮郭內曰清源觀郭外曰仙鶴觀朝真觀洞玄觀玉虛觀祠山廟移忠觀祐聖觀

殿堂

大山門官將殿

叁

左右碑亭

貳

二山門官將殿

叁

左真官堂

壹

右土地堂

壹

神君殿

伍

左威靈傍殿

叁

左景德傍殿

叁

右顯化傍殿

叁

右寶藏傍殿

叁

三濟

正殿

柒

左三官傍殿

叁

右四聖傍殿

叁

大通明寶殿

柒

萬歲正殿

叁

景陽閣

叁

飛霞閣

叁

周圍廊廡

捌

東西公學

拾

東廊火星殿

叁

鐘樓

壹

道院捌拾貳房

額定食糧學童壹百名

額定食糧學童壹百名

基址叁百畝

東至全節坊

南至將軍隊廡

西至黃泥巷

北至鐵塔倉

全真堂大門

門左右

正殿

左右靜室

廚庫等房

西山道院

正廳

中廳

後廳

碑亭

左側廂房

右側廂

房歷代真人祠堂

江東祠

道錄司

領頌止存

基地舊有施租道士徐用和

追出道房改作道錄司衙門

大門

正廳左側基

地門前基地

附卞忠貞公祠

公產東洲

丈過實在洲貳千

中洲

丈過實在洲貳千肆

西洲

丈過實在洲貳千玖

深陽庄

原額田地山塘共

畝貳

太倉庄

原額田地貳千

烏龍潭

潭約壹

句容田

額徵田地柒

全真堂

七總庄

丈過實在田地

山貳百

真裕
伍間

山水 冶城山

高洽伍丈周肆里吳鑄劍池在冶城西吳人歐冶子鑄劍于此王夫差鑄劍

處

卞公墓

在冶城西

古蹟 附 冶城樓

在卞公墓側晉謝安王羲之同登冶城樓悠然遐想有高世之志

西園

晉元帝太興初以王導疾久方士戴洋云君本命在申而申地有冶金火相燥不利遂移冶城于石頭城東以其地爲西園晉成帝幸司徒府游觀西園徐廣謂之冶城園是也見晉書

冶城苑

一名別苑

王導所築又云桓玄築孝武帝太元十五年爲江陵沙門法新立冶城寺安帝元興三年以寺爲苑廣起樓榭飛閣複道延屬

冶亭

對敏速後彥伯出爲東陽

宮城見金陵故事

郡時賢祖道冶亭太傅起執彥伯手顧就左右取一扇授之因語之聊以贈行彥伯應聲答曰輒當奉揚仁風惠彼黎庶一時稱其率當江淹嘗宿于冶亭夢一人自稱郭璞謂淹曰吾有筆在公處多年可見

還淹乃探懷中得五色筆一以授之爾後爲詩絕無
美句時謂才盡冶亭卽冶城又金陵有夢筆驛不知
在何處見志 又一名東冶亭六朝士大夫餞別之

所晉太元中置謝安爲揚州袁宏爲東陽郡祖道于
冶亭羣賢畢集南史王裕之元嘉六年遷尚書令固
辭表求東遷改授侍中及東歸帝幸東冶餞送金陵

志疑王導疾時以古冶 西州城 西連冶城晉太元末
遷東西爲二今並記之 王道子領揚州居東
府故號此城爲西州卽 郭文舉書臺 宋志天慶觀太

朝天宮前西州橋處 乙殿卽臺基
總明觀 金陵志南宋廢國學立總明觀卽冶城故址
觀徵學士充之置東觀祭酒訪舉各一人舉

士二十人分爲儒道文史陰陽五部學後 北極壇 陳
觀廢道家者流以儒觀之名爲道士觀 軒
金陵集載富臨狄威郭祥正同遊紫極宮竹軒觀王

相國舊題蘇子瞻書于由詩祥正和之有老鶴唳風
之句寫之壁間未竟有白鶴數 飛龍亭 卽冶亭元時
十翔舞北極壇上徘徊而去 改名虞集有

記 鍾英亭 元建俱不存

人物宋山宗說

天慶觀道士蘇長公有乞名詩

方清迪

號適元大師清祐間請主觀事

虞記稱其道法靈通

景元範

自茅山選諸住持時值早命禱雨章甫奏即風雷大雨因爲制守別

之傑所重觀

明楊宗玄

有御製說

周玄初

有傳張仲修

鄭鍊師

有傳

劉真人

有傳喻真人

有傳尹蓬頭

有傳附棲隱郭

文

字文舉隱餘杭大別山嘗有猛獸忽張口向文文視其口中有橫骨以手探去猛獸明旦致一鹿于

室前王導聞其名迎至西園温嶠嘗問文曰饑而思食壯而思室自然之性先生安獨無情乎文曰思由憶生不憶故無情導嘗衆賓共集練竹並奏文睽眸不轉跨躡華堂如行林野居導園七年因有文舉書

臺云

御製命朝天宮道士楊宗玄住持萬壽宮說

洪武年

世有已往之事而不泯者曰宗他無知之機曰玄此果宗

乎玄乎聖人之馭世也以三字設教以宗爲統紀之名以
玄爲心法之授於斯三字凡世人者奚啻其根洪武十年
有司奏朕北平萬壽宮急缺住持朕命朝天宮提點於羣
道中擇超者使往焚修焉明日提點將至住持者朕謂曰
爾姓名何對曰臣螻蟻之稱楊宗玄是也朕觀斯人玉樓
銀海相應領下適髯如線其於壽也不爲不高矣然朕目
斯道顏如三春之夭桃色若紅杏初芳必交梨火棗之嘗
吞霞瀝之久服非若此安能如是故敕往而興教必稱職
焉因爲之說汝往欽哉

勅右正一薛明道

洪武十五年五月二十四日

教有正一之名官有正一之職非悟道登真者不能膺是任也爾薛明道齊心受籙服氣煉形有守有爲不凡不俗久居清淨之地能無裁制之宜選衆見推乃授是位宜悉心力以化道侶務使學道之徒咸能歸一而無道外之失則予一人汝嘉今特授爾道錄司右正一汝徃欽哉

勅左正一邵以正

天順二年五月二十五日

朕惟玄元之教以靜爲根以無爲用所以幹叅化機導迎和氣爲國祝釐爲民歛福者也其徒有能立志端慤造詣精深者朝廷必崇異而嘉獎之蓋以其跡雖寄於方外而道實助於邦家故耳自古帝王率同所尚咨爾道錄司左

正一邵以正守真抱一專氣致柔衍教皇都遊心養素奧
則傳夫道秘妙則契乎仙玄宜加眷注之隆庸舉褒旌之
典茲特封爾爲悟玄養素凝神冲默闡微振法通妙真人
領道教事於虛惟虛可以養冲澹惟誠可以通神明爾尚
益純爾行益全爾真丕振宗風茂名景貺庶副朕寵待之
意欽哉

勅真人劉淵然

洪熙元年正月初四日

朕仰奉神靈恭思化理惟仙聖所尚皆本於無爲惟至道
之行必崇夫有德咨爾高道劉淵然稟心純一凝志靜虛
參極玄機遊冲澹自然之域妙傳道秘顯神明不測之功

昔 皇祖之臨朝膺徵命而來至密勿之論於 宸衷而
允契褒揚之重蓋德音之尚存繼祇事於 太宗益惟堅
於素節眷遇之禮有加於前暫輟侍於九重往化道於南
服亦使息勞於閒寂寔將遺朕於今茲萬里還歸皓然白
首眷念 祖宗之舊特舉褒崇之章今封爾爲冲虛至道
玄妙無爲光範演教莊靜普濟長春真人領天下道教事
資乃純誠迎國家之景貺揚爾茂績振海宇之玄宗庶其
清靜之風翊我泰和之治欽哉

護本宮勅

成化十六年二月十五日

皇帝勅諭官員軍民諸色人等

朕惟

上帝玄元之教

其體清靜無爲其用神妙莫測上有以陰翊皇度下有以
福庇顯幽歷代建宮觀崇祀之咸有明徵矧南京朝天宮
寔我太祖高皇帝創建焚修之所每遇大節行慶賀禮
文武百寮習儀于斯非他祠宇比也後被回祿令南京道
錄司右玄義李靖觀爲住持修建云今已完脩但恐歲久
墻垣祠宇被人作踐新舊賜撥蘆場被人侵占特降
勅護持今後官豪勢要諸色人等不許縱放車馬穢污奉
祀之所侵占蘆場有缺修葺之需若有不遵朕命者事
發必罪不宥 欽哉故諭

護道藏勅

成化十二年二月日

皇帝聖旨 皇考體天地保民之心恭成 皇曾祖考之志刊印道藏經典頒賜天下用廣流傳其來已久茲以一藏安奉南京朝天宮永克供養聽所在道官道士看誦讚揚上爲國家祝釐下與生民祈福務須祇奉守護不許縱容間雜之人私借觀玩輕慢褻瀆致有損壞遺失違者必究治之故諭

勅護西山道院

成化十三年九月十二日

皇帝勅諭官員軍民諸色人等 朕惟南京西山道院乃洪武中建以處長春真人劉淵然之所後被燬重修徃徃無藉道士人等侵占真人喻道純以爲言特降勅護持令

南京道錄司右玄義徐永謙看守伴朝夕焚修上爲國
家祝釐下爲生民祈福凡官員軍民諸色人等毋得仍前
侵占以沮其教敢有不遵朕命者有司須論以法故論

普濟真人俞道純謹

奏爲乞

恩焚修事臣師祖長

春真人劉淵然存日在南京朝天宮西山道院住坐其

院在冶城西係宋時嘉定中古蹟事在金陵志書內臣

師祖劉淵然于洪武二十五年荷蒙太祖高皇帝開

其道行召至京賜號高道伴任朝天宮洪武三十年

春重修本宮已完又命官重建西山道院與臣師祖劉

淵然安居本年正月初一日駕幸道院臣師祖劉淵

然再三俯伏謝恩就跟隨至內府帝御右順門

賜坐與茶三日遣中使齋勅命遊名山洞府行至湖

廣驛召回京時高帝賓天命建金籙齋仍居西山道

院陞道錄司右正一太宗文皇帝於永樂三年陞左

正一品宗昭皇帝卽位召至北京封長春真人賜二

品銀章及緯慢錦綉枝刷庖丁遣太監侯泰鴻驪寺官

宣宗章皇帝念其年遠於宣德七

年二月間上親作山水圖賜之遣大監羅智臣
師劉淵然回南京舊住西山道院養老至本年八月初
八日坐化奏聞遣行人吳惠諭祭工部造墳營塋
天順五年三月內道院被災有本院道士徐永謙自行
發心緣并備已資置買木植磚瓦等料仍于基址照舊
造道院看守居住思臣師祖劉淵然與師通妙真人邵
以正及臣忝列早職三代真人祖居道院今經八十餘
年近來有等不遵理法無藉道士人等捏詞打撓要來
占住伏望 聖恩憐憫念臣師祖劉淵然荷蒙 太祖
高皇帝蓋造道院累朝 恩典乞護勅永鎮道院不許
閒人打撓乞將道士徐永謙一職併祝 聖壽以
圖補報永遠徒衆焚修看守供奉 宣宗章皇帝恩賜
御筆山水圖并神明香火寶爲使蓋如蒙俞允臣不勝
感戴 天恩之至具本該通政使司官于奉天門奏奉
聖旨准他該部知道欽此欽遵

御製山水圖歌賜長春真人有宣德七年二月日

長春真人劉淵然事 太祖皇帝 太宗皇帝 仁宗皇

帝以至於 朕凡歷四朝闡玄元之妙著感通之功據恭

秉誠老而逾篤今已耄年志存閒佚辭歸南京朕重其去

也因取孔子仁智壽樂之旨援筆作山水圖賜之而題詩

其端以寓所以睦厚於老成之意云 東華之東湛明景

彩霞環繞蓬萊境瓊芝瑤草春不窮丹光夜動黃金鼎淵

然老仙空嶂客萬里歸來此棲息手持如意青芙蓉兩臉

潮紅頭雪白頭上玉琢冠身中雲繡衣朝朝飛神馭炁超

汗漫直上泰清朝紫微腰間騰龍雙寶劍秋水光晶含漱

灑嘯風呼霆作霖雨屢注仙瓢蘇下土功成歛用歸希夷

玄天至道本無爲眼看民患忍坐視恤人一體天之慈且

來謝別何匆匆騎鶴逕度江之東江東龍盤虎踞五雲表
鍾山翠接三茅峯茅家兄弟青冥上白日驂鸞定相訪還
來赤松子亦有安期生上朝南極壽昌星好山好水清且
明西方出金桃南斗斟雲液長生有曲舞且歌年過廣成
千二百

御製山水圖歌賜普濟真人

有序

成化二十年十月日

普濟真人喻道純志存虛靜道樂無爲契妙參玄精勤篤
厚體愈健而神愈清年彌高而德彌廣感通著績事朕有
年朕甚嘉焉因繪山水圖題詩以賜寓朕眷顧老成之意
云 嘗聞神仙洞天三十六雖在塵寰隔凡俗巖前千歲

桃花紅谷口四時瑤草綠樓閣巍巍倚碧空十二闌干抱
雲麓猱獍一虎守丹爐天矯雙龍護仙籙清陰松下一老
仙頭裸烏紗映寒玉有時訪道駕蒼虬有時朝元乘白鹿
龐眉皓首不記年萬里天衢時往復笑看滄溟塵土飛時
見添籌盈海屋劍峰丹篆叱風雷妖怪深潛魍魅伏道崇
德重壽齡高自是功勤修練熟飛升霄漢應有期冉冉青
雲生兩足好將斯道大闡揚四海蒼生膺馘穀

御製山水圖歌賜輔教真人

有序成化二十年十月日

真人楊志賢抱素守元棲真樂道蘊清靜之無爲著通虛
之偉績跡寄玄門志超塵表精修不怠誠爲可嘉因繪山

水圖題詩於端賜之以見其意云 青山高插春雲表壺
裏乾坤自昏曉 蒼蒼佳氣結輕陰 彷彿華陽洞天小 松偃
虬枝翠霧深 根蟠地軸遙相臨 微風起處動清聽 恍然如
奏鈞天音 山高樹古誠佳致 豈料仙居在 人世養恬樂道
趣無窮 壽樂由來喻仁智 布袍飄然石澗邊 閒看汨汨鳴
泉淵 有源不竭謂道體 等閒寒暑經流年 忘機猿鶴爲知
友 久駐童顏易蒲柳 丹鼎紅霞燭紫虛 蓬萊笑指應回首
寰宇于今壽域開 太平玉燭明春臺 玄風大闡輔明世 未
堪懷寶潛雲隈

文 天慶觀記

宋太學正古括章公權

漢興二世至於孝文好道家之學躬修玄默而清淨之化
流我真宗皇帝紹休聖緒以時考之亦漢文時也意將不
言而化行無爲而事治迺大興道教詔諸路軍州各建天
慶觀至於或因或革或狹或廣其土木費用或一出科降
或兼資施捨則不能槩全金陵之天慶蓋晉冶城故地楊
氏之吳建爲紫極宮籍田二十頃在常之晉陵無錫間暨
爲天慶田亦因之熙寧間始勅免稅役建炎初金虜犯江
兵火之禍故跡盡矣其徒結茅居奉香火垂二十年晁公
謙之守是邦迺請于朝一切鼎新帖請通元大師方清迪
主之嘉熙淳祐之交旱魃爲雲閩臺望雨靡神不欽邈無

應驗制守資政別公之傑聞茅山景元範誠信質實行可
對越其祖師卽開山方君道法靈通的有傳授廼選請住
持就命禱雨章甫奏而迅雷烈風隨作雨集溝澮皆盈已
而有秋邊烽亦熄別公遂以暇日數延見談玄虛益加敬
重因言觀宇頽弊當葺更圖開廣別公慨然捐金粟以倡
兩臺諸寄寓若有力者亦皆出貲共成自辛丑至辛亥十
有一年廼畢工見者咸曰壯哉觀而况竹亭翼然乎其東
境界清特其西爲冶城樓地形高樓又高實留都絕境登
樓睇想麥秀黍離近悲六代之故墟雲藹微茫遠認關洛
於江淮之外古今變態盡在目中士夫好尚閑雅常茲游

息若其感慨之餘道香滌塵靜趣天契或興遺世獨立乘
虛御風之想視烏衣翠微青溪賞心雨華鳳臺之游踵東
山之跡皓齒細腰相與娛樂亦徑庭矣噫道家以太虛爲
域宇宙爲宮三光爲燈燭雲霞爲香火主之以絳衣帝君
妙不宰之宰修不工之工居天下之廣居洞洞豁豁一無
障礙此道之所以爲大今之宮室棟宇寶寄也然道自無
而生有有復於無則無者超矣自虛而生實實歸於虛則
虛者至矣我有大患爲我有身苟未能外其身而身存則
凡教門之事意者有輔於世道盡心力而爲之夫豈容已
天慶自初建碑刻具詳隳於火久不復今重建旣備烏可

竟泯其傳故卽羽流所述記其略焉淳祐十二年正月

冶城飛龍亭記略

元翰林學士虞集

昔在潛邸東南海嶽湖江之上車轍馬足有所至焉則守吏民庶興感榮幸隨而表之以識其愛慕之意旣登大寶自天光日華之所被及山川草木與有榮耀則必有所述以示乎天下後世若集慶路大元興永壽宮之飛龍亭其一也亭成久矣而宮之住持道士賜號虛白先生臣陳寶琳始錄其事卽臨川山中求臣集記之亭本冶亭宮本玄妙觀集慶本建康路皆所賜名也方在金陵時行邸去冶亭爲近上時遊焉一日傳命且至臣寶琳出宮門迎候逾

時從官已奉供具及門則知已至治亭久矣引鍾山之形勝俯城郭之佳麗顧瞻徘徊悠然有化育之治焉從臣以寶琳見上咲曰道人何避客之久也寶琳頓首俯伏請罪上曰山徑幽雅取便而至宜爾之不知題治城者虞集今何在也皆對曰今在翰林克學士命王僧家奴模而觀之因箴諸篋問寶琳何以字玉林也則對曰道士燒金石爲丹瀆抽鼎中狀如瓊林玉樹故取以爲名上曰當雪時吾登此亭目力所及樹木皆玉也豈不易知乎更謂之雪林後臨御別書雪林字賜近臣趙伯寧而寶琳仍字玉林矣謂寶琳曰吾出游數勞人不如山行之便可作柴門巖扃

鏞以待予之徃來自是數至寶琳野人見上之樂而忘其
微賤或持酒引裾欣然爲留亦不責也天曆己巳寶琳與
其宮之住持趙嗣祺朝京師始製先生號以賜金陵道士
之嘗得見者嗣祺曰虛一先生寶琳曰虛白先生得之者
纔二三人耳蓋異數也時賜新宮名而冶亭名飛龍矣明
年之三月二十五日臣集侍立奎章上顧謂曰汝猶憶冶
亭乎亭旁松當加長茂臣集對曰臣集到冶亭時未種松
也上曰游冶亭見卿書以爲繫千載之思實槩於懷因命
臣集書宮亭新名以賜而寶琳持歸賜南御史臺錢若干
新其宮所謂冶亭者既名飛龍加飾楹桷置御榻其中重

覆而謹視之別作亭其下仍曰冶亭羣臣公卿大夫賦詠
咸在又爲亭以當鍾山之秀名之曰鍾英宮成行臺御史
大夫中丞以下及郡縣守吏咸集于此後天子之賜矣嗟
夫亭成至于今十有一年而先帝棄臣民將八年矣微臣
辱在草野未先朝露詎能爲寶琳執筆以述恩光之萬一
哉於惟天子仁孝純至勛華相承羨墻之見無有遺思先
帝神靈在天陟降上帝雖曰不可度思而日月所照霜露
所隊顧懷下土於萬斯年臣民之瞻仰烏有窮已乎臣集
故丕述事亭石以昭示於來者至元五年十一月記

奉勅重建朝天宮碑

明文淵閣大學士商輅

高皇帝受天明命定鼎金陵辨方正位宏建都邑首開明
堂以朝諸侯尋飾琳宇以崇上帝若朝天宮者實百官
邁節朝賀先期習儀之所視他宮觀制度尤異蓋洪武
甲子卽皇城之西冶城山建其地在宋爲天慶觀在元
爲永壽宮而朝天之額則太祖所賜者也列聖相承
時加修葺幾八十年天順辛巳弗戒於火殿宇延燹殆盡
成化庚寅禮部尚書鄒幹等奏舉道錄司右玄義李靖觀
領劄住持圖惟興建靖觀等奉行惟謹因以本宮所積齋
糧并歲收蘆場諸物變易錢貨市材鳩工擇明年辛卯閏
九月吉日告神藏事而具以實聞上命南京工部出給

黑綠琉璃磚瓦三十餘萬及木植等料差撥軍夫工匠協助斯役舊冶城山頂有飛龍亭遺址新建黑綠琉璃兩副簷殿三間奏改爲萬歲殿山前前三清寶殿七間以奉三清聖像後建大通明寶殿七間以奉玉皇聖像前神君殿五間又前中山門三間外山門三間東西小門二間門之北左右經閣二碑亭二鐘鼓各一東景德普濟顯應三殿西寶藏總制威靈三殿殿皆綠琉璃緣邊通脊吻獸廊廡八十四間又東道錄司齋堂神厨真官堂西卞公廟神庫倉房土地堂山後全真堂東西方丈兩旁弘化育真二角門周圍牆垣宮之前牌樓二南扁朝天宮北蓬萊

真境是後也規制悉遵於舊而輪奐有加於前丹雘之施
金碧之飾靡不應法越六載畢工靖觀等復具疏言茲荷
聖恩再新宮宇神其戾止人用懽悅宜有紀述刻諸貞石
昭示方來臣等敢俯伏以請 制可命詞林譔文臣輅竊
惟 帝王之有天下莫大於事神治民尤莫大於繼志述
事我 太祖高皇帝撥亂反正立綱陳紀治民之道固已
纖悉弗遺至於類禋望徧常祀之外凡道家所號 天帝
之居靡不崇飾豈非祀神之誠無所徃而不存乎恭惟
皇上嗣大歷服懋隆繼述謂南京興王之地根本所係百
官有司之治宗社神靈之奉一修舊典矧朝天爲宮大禮

伊始衆庶具瞻可使鞠爲瓦礫而弗加之興建乎書曰靈承於旅克堪用德惟典神天中庸曰夫孝者善繼人志善述人事於我朝 列聖見之矣臣輅謹拜手稽首而獻頌曰於惟 太祖實天生德執符御曆肇建都邑都邑翼翼四方取則官有恒所民有定室紀綱法度繩繩秩秩乃尊郊廟乃崇社稷祀事孔嚴誠敬靡斁爰及琳宇咸加葺飾神靈所依朝儀是習鬱攸肆燄遂成瓦礫仰惟 皇上善繼善述爰詔春官興復是力殿廡階墀悉遵舊式工善材良人樂赴役重簷疊飛巨棟傑特塗以丹雘間以金碧美哉輪奐有加於昔 上帝居歆人心悅懌祚我 皇明永

永無極 成化十五年己亥秋八月日

朝天宮重建全真堂記 明南祠部郎錢塘葛寅亮

高皇帝序注道德經而終之曰斯經乃萬物之至根王者
之上師臣民之極寶非金丹之術也其崇老氏至矣宮觀
率宗祖老氏教而朝天宮尤爲定鼎時首創宮內舊有全
真堂在山之陰成化己亥修葺商文毅公記內可考今堂
廢不知何年其耆宿猶能傳述謂當時之盛黃冠白羽羣
至如歸棲以丹室課以金書或閉關面壁吐故納新各習
其業而叅方之侶亦謂京師白雲觀習靜修真不失遺制
乃留都故豐鄙地五方瞻仰堂輒一廢不振宮之人其何

以矜式哉會毀教坊小菴六七所集其材修治大事有竊料羽士乘間請焉因尋故址於山後得隙地爲定基立礎負木曳石以有事於堂旣成卽復以全真之額又以官田七總庄贍給之歲租之入日可食十四人焉按堂址故吳王治處有鑄劍池晉王丞相導西園郭文舉讀書園中有讀書臺又爲冶城樓謝太傅安王右軍羲之登焉超然有高世之志皆卽其處也而堂翼然臨之前對鍾山翠色蒼靄逗門而入左有鐵塔浮圖秀逼霄漢後枕冶城山林木蔚蒼蔭覆垣角洵清虛之靈境修鍊之名區哉夫修真者孤處雲居棲巖屋樹遺謝世羅縱情獨往草木食不爲

苦餐風飲露不爲槁彼何屑覺蕩風塵瞻留都會一方幅
地居之然考之國初 聖祖膺圖一時周顛仙冷協律張
三丰尹蓬頭皆以霞綃雲珮之姿從駕臨陣浮波立浪測
角占風徵竒刻應 太祖異之嘗親製周顛仙傳豈六朝
遺蹟靈氣尚存山藏地奧仙者所樂遊耶是堂也卽未稔
有繼尹而起者乃全真之學近有趙教常其人實先斯堂
三年結茆閒地四面甃壁止開隙牖通飲食客至稍稍問
答無多語藉非心無所持卽飲食亦且爲四體病其何能
枯坐且三年哉姑無論教常能尹也謂教常而非清淨之
業也耶今之遊焉息焉寢處於斯者能人人爲教常庶亦

可無愧茲堂矣

游冶城山記

明兵部尚書喬宇

冶城乃吳冶鑄之地晉元帝移於石頭城東高阜唐韓滉築五城此其一也謂之冶城宋置天慶觀其上卽今朝天宮也宮之制外門弘敞內立建置碑又入大門從修廊九曲而入臺殿崇峻侈麗諸司習儀之所殿宇後有亭黃其垣據高阜之巔云 高皇嘗於此更衣西下有西山道院門徑幽隱高臺短垣可以遠眺又從迂徑而出據山之西二亭林木扶疏岡壘起伏不見城市亦佳處也又西下乃晉卞忠貞墓前有祠亦掌於宮之道士

周尊師傳略

明翰林學士宋濂

周尊師名玄真字玄初世居嘉禾後遷於姑蘇受靈寶大法於曹桂孫會吳越被兵游蒐出爲厲玄初建壇陳醮祠白鶴五十回翔壇上久而後去及浮河蕪燈二燈高起懸柳枝人驚以爲神功萬夫長沈寶母歿痛念之弗置聘玄初修祠事實因問曰君能致吾母蒐蒐乎曰可卽剪紙爲旌令童子執之玄初左右顧眎作叱嘯聲旌重將壓地母降於童音聲威儀如平生實與家人環之以泣洪武戊申京師旱夏五月至於秋七月不雨太師李韓公方秉鈞軸承命左司郎中劉允中迎玄初致雨是月庚寅設雷壇於

冶城山研朱書鐵符投揚子江中波濤遽興玄初夜坐斗
下存神窈冥霓光燁燁遶身達旦辛卯玄初握劍上壇召
風師霆伯誓之俄陰雲蔽空大風拔木雨降如翻盆韓公
曰此法師雨也玄初曰未也明日辰時再降雨乃足爾至
期復果然有黑龍蜿蜒見西方迨午始霽韓公以幣贈玄
初弗受竟拂袖東歸朝紳嘉之以文辭道其功者不可悉
數明年庚戌 上欲問鬼神情狀於道家者流嗣天師張
真人與玄初皆被 召賜燕於光祿寺禮遣其還又明年
辛亥秋九月己卯 上召玄初至京見於武樓從容賜坐
訪雷霆所以神之故玄初對曰天地之間無踰陰陽者因

其運轉故有神神與人合者也雷非人無以知雷之天人非雷無以知人之天天人相乎本同一理爾 上悅今年壬子春三月不雨中書右丞相汪公命玄初致禱仍於冶城山建壇其應如初太史公曰予游江南見玄初鳳凰亭上方曠燁然長眉聳然傲睨於萬物之表竊意緱山仙人乘鶴吹笙而徠下也亟往叩長生久視之要玄初乃言曰混沌之時一氣孔神無形與聲入之無門子盍索於呼吸之根乎其體中虛玄象之初不依物以居枝扶而葉踈能黜其知守其愚則群陰盡銷而純陽獨舒矣子盍慎諸予敬受之以還而未之能行也然而玄初之後使鬼神者其

能幹天樞道之樞歟抑玄初孝於親一日不見輒懸懸如
饑飲飲然若有所疑經曰孝弟之至通於神明玄初所以
能變化者其或有繫於是歟非歟

張公修文碑略

明翰林學士宋濂

公諱友霖修文其字也信之貴溪人時桂心淵隱匡廬金
志陽居武夷二人者世號爲真仙翁修丹之士依之者成
市公皆躡屩擔簦往拜其坐下傳其二皇內文九鼎丹法
所謂延齡度世者頗領其幽玄復自嘆曰吾春秋方盛撫
臣微權要不可無見也乃出力於詩章古文辭課之於虛
無扣之於寂寞蓋混混乎其不可竭也虞文靖公集以文

雄海內公爲書數千百言暨所謂雜著一編遺其徒張自
賓往質之文靖深加敬嘆與之相辨難者甚至自是及門
受業者日衆其從求文戶外亦屢滿矣公則又曰此當寘
之一毛已在顛其尚不求歸宿之地乎於是刊落葩藻與
道夷猶至和薰蒸四體盎晬有不知歲月之易遷者嗣天
師張公嗣德嘉公玄學淵邃辟爲教門講師張公累詔
至南京公皆爲輔行翊贊相導靡不備至洪武辛亥秋八
月更辟教門高士尋提點太 上清正一萬壽宮而諸宮
觀事咸蒞焉未幾與高行道士黃裳吉鄧仲修同被 召
公奏對稱旨賜食禁中而退冬十月 大駕幸鍾山崇禧

寺復燕勞有加明年壬子春公屢乞還山 上欲屬以禱
祈之事命中書留之且有白金之賜秋七月公示微疾於
朝天宮謂仲修及丹霞鍊師周玄真曰盍趣宮主宋玄真
相見乎既至正襟危坐從容言曰身非我有性本虛空生
浮死休處世一夢吾將觀化於冥冥之中矣遂操觚賦詩
一章條然而逝儀曹因以其事聞 上爲之惻然後三日
奉遺蛻焚於石子岡執紼從者至數千人火既熾有五色
祥煙盤旋於其上云公自呼鐵鑛子有文集若干卷亦以
鐵鑛名

洪武四年詔天師張公正常擇其徒之可者以名聞詔至闕下問以雷霆鬼神之事於是鄧君仲修等述感化之由以對上說賜坐錫燕 詔館之朝天宮祠禱之事多屬焉五年春三月不雨 上以農病播種憂之仲修奉 詔設壇場行驅召風雷之法天大雨賜白金若干兩後三年秋七月復不雨御史大夫率儀曹承 詔臨祠禱二日不效仲修退坐齋室默運玄化出伏劔一叱雲合雨如注是歲冬無雪詔李韓公及丞相至 上命以禱期三日雪至期果然 上甚寵異之每召見與語嘗 賜以詩及 御注道德經命與住持朝天宮有宋真宗修祠祝科儀行於世

仲修名某今以字行臨川人

長春劉真人傳略

明大學士楊榮

真人氏劉諱淵然號體玄子世居徐州蕭縣謁原陽於雩都紫陽觀盡得全真秘妙之術洪武庚午往謁龍虎山道過南昌時歲大旱藩臬諸官邀之致雩卽日甘雨如澍已而太祖高皇帝聞真人道行召至闕下屢問天人相與果何所感真人具以實對深契宸衷及試之符法無不驗者乃賜以法劍號高道館之朝天宮眷待甚至復命有司於宮之西北建屋數十楹扁曰西山道院以居之戊寅夏五月朔駕幸朝天宮至道院面加撫慰命隨入

內廷賜坐右順門咨詢移時方退翌日遣中貴人齋手
詔命其游名山洞府求謁神人以神其神詰朝入謝賜膳
及紗衣楮鎡乘驛去

潛濟喻真人誌略

明周洪謨

真人姓喻氏諱道純長沙清瀏人聞通妙邵真人在京師
領道教事天下學道者皆雲集遂詣謁邵見而竒之授以
清微諸階符法淨明觀斗禳星煉度玉清混元五雲金籙
火符之秘無不曉暢正統甲子邵奉 詔督校大藏經典
真人乃預校讎由是所學者以博洽景泰壬申春拜道錄
司右玄義丙子進左玄義頃之陞右正一天師改元 朝

廷賜邵法劔銀印且問之曰朕所賜卿者日後付之何人

對曰臣固無似臣徒雖多而可託者喻道純耳成化丁亥

壬辰京師夏暵旱 上命禱之皆雨癸巳 賜法冠三玉

簡一凡大醮事必命主行嘗 召問以大道對曰大道本

於心人能清淨其心則天地鬼神無感不通況於人乎彼

吐納導引燒煉金石皆妄爲耳 上納此言甲午 賜誥

封體玄守道安恬養素冲虛湛默演法翊化普濟真人仍

領道教事乙未春 賜銀印并 勅命贈其父母從子曰

昱曰經皆以爲中書舍人癸卯 賜玉帶圖書及 御製

山水圖詩南京西山道院實天師祖劉長春棣真之所及

都城西昭應觀皆圯且蕪乃爲重構臨終說偈而逝享年七十計 聞賜賻甚厚遣官諭祭者再命工部營葬事

尹山人傳

明彭輅

尹山人者北地產也元世祖時爲天慶觀道士其度牒綴之羊皮久而尚存成化間遊南都髮累歲忘櫛而自不團結南都人呼爲尹蓬頭云尹得邸寓輒閉關卧多者踰月少選亦五六日而後起居常不飯人饋之食亦不辭嘗造民家會設餉客麪近四十餘碗客有戲尹者曰公能盡噉之乎曰能取而噉之盡無留餘也孫秀才舉曰某伯父接山入市中而賣瓜擔停焉某伯父戲曰公能盡此一擔

瓜乎曰能卽買而饋之噉瓜立盡無留餘也戶曹員外李
遣僕上病疏一日辰刻尹見其僕於北闕端門前僕曰命
已下主人幸得告矣是午餐尹報李曰今日旦端門前見使
者已得告急束裝行耳後僕還核問果合南北迢遞三千
里馳返纔一飯之頃人聞而大異之某御史當仲秋耗靡
日命其隸召尹來隸曰昨昔之暮尹登大中橋觀月兩鼻
孔垂涕尺許尹殆死矣夫何召御史笑曰此爲鼻柱非老
病也隸甫行而尹已扣門入蓋就其召已也御史亦異之
魏國館尹於居第嘗偃大棹晝睡寤而語魏國曰適遊姑
蘇洞庭山而返魏國愕不信卽出袖中兩橋畀之其時南

都尚未有洞庭橘也南都一貴人之母敬事尹數數修供
進衣饌甚虔既而所愛孫少未冠而病沉綿疴瘵諸醫擅
時名者皆謝不可治迺邀尹力懇之尹曰此非藥物所能
爲我以太夫人遇我厚不得已費我十年功爲爾一救令
置兩榻相附昏夜縛少年之足於尹足連屬數重尹鼓氣
運轉喉嚅嚅有聲氣達湧泉貫少年足大熱遍體流汗如
雨注臭穢畢泄詰朝解其縛而少年蘇蘇有生色別授刀
圭藥徐服而愈王文成公守仁試禮闈卷落卒業南廡走
從尹遊共寢處百餘日尹喜曰爾大聰明第本貴介公子
筋骨脆難學我所以入道者危苦堅耐世人總不堪也

爾無長生分其竟以勲業顯哉文成悵然惋之洛陽有野
毛頭張姓者售偽証世自矜飾而以聞見該洽論說雄俊
引重薦紳間客抵南都士人慕而爭趨軒車滿戶外尹識
其偽也敝衣跣而往謁隨衆稱老爺尊之張方危弁高坐
側侍者肩摩張傲岸不爲尹禮顧罵曰乞兒辱吾教尹迺
據東面坐而謂曰爾欲譚道耶我一任爾問張曰爾乞兒
吾又奚問尹因刺之曰爾無我罵爾注悟真篇恐天下訕
刺爾者無窮已張曰然則爾曉叅同契與悟真耶尹張目
朗首爲抽廣成壺丘延歷度紀樞奧稍論敘柱下五千文
暨內典華嚴楞伽姬易良卦象爻三教渾合之旨翩翩千

百言衆驚異悚聽皆俗耳所未聞於是始知山人之辯慧
不羣遂於玄學也尹歸倚墻立自掌其頰者數十下恨猶
有勝心且道非可言言則與道遠因鍵扉寢伏久之終南
黃山人過訪值尹睡正熟謂弟子曰謹貽爾師青衣鞋我
不能待別矣又數日尹起問曰有友人黃來渠何言子弟
獻所贈尹曰是豫料我將遙適也無何逆關劉瑾潛圖不
軌惡尹私有詆斥羅而戍之關右尹至戍所偶過鐵鶴觀
騎一鶴凌空飛去

詩
初秋西園

晉陽休之

池亭三伏後林館九秋前清泠間泉石散漫雜風煙藁開

千葉影榴艷百枝然約嶺停飛旆凌波動畫船

大同八年秋九月詩

梁簡文帝

大君重九節下輦上林中酒闌嘉宴罷車騎各西東時余
守西掖脂車歸北宮車分獨坐道扇拂冶城風落照塹中
滿浮煙槐外通長樂含初紫安榴拆晚紅

金陵懷古

唐劉禹錫

潮滿冶城渚日斜征虜亭蔡洲新草綠幕府舊煙青興廢
由人事山川空地形後庭花一曲幽怨不堪聽

次韻樂著作天慶觀醮

宋蘇軾

濁世紛紛肯下臨夢尋飛步五雲深無因上到通明殿只

許微聞玉珮音

莘老葺天慶觀小園有亭北向道士山宗說乞名與

詩

宋蘇軾

春風吹動北風微歸鴈亭邊送鴈歸蜀客南遊家最遠吳
山寒盡雪先稀扁舟去後花絮亂五馬來時賓從非惟有
道人應不忘抱琴無語立斜暉

東冶亭

宋楊修

忍淚相看酒共持
一生心事幾人知
年來折盡東亭柳
此別綿綿無盡期

乙巳九月登冶城作

宋王安石

欲望鍾山岑因知冶城路躋攀隱木杪稍記曾遊處紅沉
渚上日蒼起榛中霧卽事有哀傷山川自如故

曉登朝天宮樓閣

四首

明劉龍

宵窳僊宮曉天空星月微松中丹殿隱煙處碧山圍燈火
飛巢鶴樓臺下羽衣雙雙玉童子爲啓北巖扉一峻閣層
霄上虛檻萬竹傷雲峰疑縹緲煙市認微茫嵐氣寒侵坐
晨光澹入堂東瀛浮赤日遠景對蒼蒼一樓敞朝曦滿山
明宿霧開青龍橫几榻紫嶺抱蓬萊鳥語囟中樹風含石
上杯帝臺江遠近回首是三台二東閣登臨罷迴瞻北極
樓鐘聲四山曉雲氣萬家浮王謝風流遺忠貞祠宇留排

御覽關塞朔瘴果全收

東麓亭分韻

明金大章

何處玄都逼太清
空林面面白雲生
攀來玉樹多春色
聽徹梅花半雨聲
六代風流悲往事
百年心賞見交情
酒酣不用頻看劍
恐有寒光射冶城

登東麓亭贈李道士

明葉雪樵

春風吹我衣飄飄
凌翠微茲亭何年構
東麓馮高下見浮雲
飛浮雲飛盡碧天淨
窻中海水明於鏡
圓嶠之山入渺茫
搏桑之國相紆映
金鳥團團何處來
頓令大地光明開
翩翩青鳥度西去
恍疑王母之瑤臺
仇池洞天那足覩
靈

芝珠樹生千古朝餘沆瀣夕淪陰黃鶴青鸞自相伍就中
更有吹笙人玉壺長醉桃花春大者旌陽小平叔九轉丹
成多濟貧我因好道來相訪不覺瀟然絕塵想似遇橋邊
黃石公復逢嵩頂浮丘丈赤書玉字滿青箱別有幽篁之
曲房藏修此中得不死千載含精堪絕糧復謂仙人言生
平嗜靈異乘槎未得月宮遊冷霞曾向天台去昨朝却悞
入紅塵不樂棲棲爲隱淪今騎白鹿來天上願乞分風化
此身仙人忽長嘯余亦從之歌言同一住三千歲豈學王
樵祗爛柯

同沈子高飲冶城山

明葉雪樵

仙館碧山頭仙人住幽處林花過雨發江水隔雲流酌酒
半空暮鳴琴四座秋於茲不盡醉何處覓浮丘

劉司成招登景陽閣

明葉向高

高閣憑虛望渺茫每看羲御出扶桑飛來珠樹千年鶴落
盡楓林一夜霜吳苑煙花迷建業楚江風雨接瀟湘舊時
王謝登臨地晝日淹留亦不妨

次葉少宰韻

明劉曰寧

宮館餘基接混茫登臨人代感滄桑綠煙舊鎖前朝樹紅
葉初經昨夜霜事往鐘聲消海甸秋來鴈影極衡湘酒闌
客散斜陽在徙倚層軒晚未妨

遊仙六章贈陳鍊師

明焦竑

曾燕瑤臺十二峰，酒狂謫下蕊珠宮。
紫霄不厭重來晚，便拍洪崖駕彩虹。
昨夜曾過玉女家，滿身環珮帶煙霞。
歸時更按遊仙曲，醉踏層峰弄月華。
唱徹天鷄日漸高，人間生事細如毛。
深山忽現金銀闕，知是仙班散早朝。
三峩山渺渺接天壇，雲影松聲滿路寒。
欲問高人行道處，花深時聽一鐘殘。
四古殿陰森山木春，月明分踏玉階塵。
好同簷下焚香坐，閒看人間夢裏身。
五一自尋真入紫微醮壇，風冷碧桃稀。
冶城亦是仙靈窟，鸞鶴冥冥更不歸。
六

本宮租糧道規條例

常住租額入數

東洲丈過實在洲貳千柒拾貳畝肆分捌厘

坐落龍江關外

隔河土名白沙洲其洲多係

蜜蘆離官陸路叁拾餘里

冬租銀叁百叁拾壹兩伍錢玖分陸厘捌毫 每

畝銀壹錢陸分

官課 銀共壹百伍拾玖兩叁錢捌分捌厘

一工部蘆

課正銀壹百叁拾伍兩叁錢捌分捌厘 耗費
冊號等銀玖兩 一兵部江心管租銀壹拾伍兩

盤費 管洲道士連帶跟拾人飯食并刀工等費

共銀柒拾壹兩

以上除官課盤費外實上官

冬租銀共壹百壹兩貳錢捌厘捌毫

中洲丈過實在洲貳千肆百貳拾貳畝叁分

坐落與東洲相

連一畝其洲稀密交襟不等

冬租銀貳百陸拾陸兩肆錢伍分叁厘 每畝銀

壹錢壹分

官課 係東洲代納

盤費 管洲道士連帶跟捌人并刀工等費共銀

陸拾陸兩

以上除盤費外實上官

冬租銀共貳百兩肆錢伍分叁厘

西洲丈通實在洲言千現百仁指陸南省分分厘落

與東洲相連一脉其
洲多係稀蓋草地

冬租銀壹百肆拾柒兩捌錢壹分捌厘伍毫 每

畝銀伍分

官課 係東洲代納

盤費 管洲道士連帶跟陸人并刀工等費共銀

肆拾陸兩

以上除盤費外實上官

冬租銀共壹百壹兩捌錢壹分捌厘伍毫

溧陽庄原額田地山塘共貳千貳百肆拾叁畝貳分

肆厘

坐落本縣東南西門外永成惠德來蘇永定四鄉官田與民田交雜星散不一其田膏腴

少低窪多離官陸路貳百

陸拾里水路五百肆拾里

額徵冬租米共陸百伍石叁斗貳升貳合

田壹千伍百叁拾壹畝陸分伍厘 每畝自貳

斗以至陸斗多寡不等

地草蕩山塘共米百壹拾壹畝伍分玖厘 每

畝自叁升以至貳斗多寡不等

本縣官糧 共用米貳百陸拾壹石伍斗陸升貳

合

一漕糧陸拾陸石湖米在內 每石加耗費肆斗共米貳拾陸石肆斗 一條編正銀貳

拾叁兩柒錢 每兩加耗費壹錢伍分共銀叁兩伍錢伍分伍厘每米壹石算銀肆錢共米陸

拾捌石壹斗叁升柒合
壹錢肆分 耗費共銀伍兩貳錢柒分每米壹
石算銀肆錢共米壹
百壹石貳升伍合

本庄盤費 共米壹百柒拾壹石壹斗柒升伍合

一四鄉團甲共肆人逐年工食共米壹百石
一在縣六個月盤費每日米貳斗共米叁拾陸
石 一公務米拾貳石為拖欠告徵之費 一
太清親租房米肆石 一裝運船脚米壹拾玖
石壹斗柒升伍
合每石算壹斗

以上除官糧盤費外實上宮

夏季收到冬租米壹百柒拾貳石伍斗捌升肆

合

太倉庄原額田地貳千伍百伍拾陸畝

坐落本州東
一都至二十

九都各等星散不一與民田交雜其田多係膏腴離宮陸路伍百肆拾里水路柒百餘里

額徵租米壹千叁百貳拾石除迷失拋荒米叁拾

壹石陸斗陸升貳合

實徵米壹千貳百捌拾捌石叁斗叁升捌合 每

米壹石折銀叁錢伍分共銀肆百伍拾兩玖錢

壹分

新卷太倉州奉部院定租勒碑文直隸蘇州府太

倉州爲佃亂成規霸租違法懇冤積里包侵復例以彰盛典事奉 南京禮部祠祭清吏司信牌前

事奉 本部送據南京道錄司申稱本宮 欽賜

太倉州錢糧歲徵數日比之原額十不及三向被

奸里陸五連等包收包交侵尅入已致費額數已

經備情申部蒙咨撫院及劄行該府查究續蒙

欽差巡撫周 勅義每米壹石折銀叁錢伍分不

徵收今被奸佃王雲宰倡眾三十餘人統抗憲例

任意阻撓不容徐時中兌支延將稀鬆粗布二十

五疋高擡重價及佃戶王彩王臣等一百零三戶

又將成色低銀共少銀四十餘兩控抵又被頑惡

佃戶屠轍等欺隱官田冒作難江拖負租米三十

二石五斗六升九合王婁等共拖欠米一十三石

一斗五升伏乞移文追究等情到部送司案查前

事已經移咨撫院及劄行該府酌議前來今被刁

奸王雲宰等倡眾抗違條議法難容宥除呈劄府

嚴追外合行牌仰該州卽將駁回稀布二十五疋

照數追銀仍轉行管糧官照單開各佃拖欠數目

親詣踏勘務遵前議照數兌支不許布貨控抵致

累差道久候仍勒石建碑永遠遵照等因又奉府

帖該奉本部劄付亦爲前事仰州照依撫按

允示新例勒石建碑永爲遵守先將追過舊欠銀

兩查過灘江數目立過石碑日期緣由申府以憑

轉申撫院并達南京禮部施行等因奉此卷

查先奉欽差巡撫都御史曹批據南京朝天

官道錄司呈前事備牌仰州卽提奸里陸五連吉

權邵良胃黃八朋等到官查審常年朝天宮糧米
是否包收包交及將貨物準折等弊明白具由連
人解府等因奉此該本州知州陳 喚集一千人
卷到官研審得朝天宮齋糧原係道士與佃戶先
支萬曆十一年間曾經本州議詳 院道批允照
行惟是以十分爲率本色止有二分餘俱布貨折
筭迨今年久容有虧短在該宮衆道固不能無言
而里長陸五連等並未經手謂之包侵則妄甚矣
及查宮田荒多熟少若欲比照免軍錢糧徵收未
免爲各佃無窮之累姑折衷其間每石折銀二錢
七分仍令道士免支庶爲兩得其平也具由詳蒙
本府覆審得朝天宮田糧官收之例已革於數十
年不可復矣而今該宮道士所收如往歲各貨準
折有名無實非惟焚修無資衆道不平而 欽賜
重典徒以充奸里之藁亦非法也論別項錢糧每
米一石折銀五錢此爲中制卽稱田有不等而以
二錢七分定之似亦太儉今酌爲一石三錢五分
之數姑照舊每年該宮道士徑與各佃名下對支
該州給與印信合同付照道士不許多索里佃不
許拖欠貨抵永遠遵守庶幾香火有資而地方亦

無累矣詳蒙

巡按御史馬

批開齋糧如議每

石折銀三錢五分自行兌支仍給與印照如有違

欠稟州提比繳又蒙欽差常鎮帶管蘇松兵備

蔡

詳批揭查每年會計太倉州帶徵南京朝天

宮齋糧一千三百二十石係該州人戶佃種常年

徑與本宮差來道士支領在冊但查數十年來不

經官收一旦欲復舊例已不可得而貨物准折有

名無實該宮焚修將安所資况宮田率多膏腴兌

還齋糧之外別無差解州民多利此田而又常年

拖負貨抵更覺偏累宜乎眾道有不平之鳴也該

州酌議每米一石折銀二錢七分該府因其太儉

增至三錢五分似為適中相應轉請合候詳示行

府轉行該州每年限二月終漕糧兌畢之時該宮
道士與各佃遵照今議對支折銀仍給印信合同
為照收者不得多索納者不得虧少如奸頑佃戶
踵習故智希將布貨高擡抵折及措攤逋欠許差
來道士稟州提比等因通行呈蒙欽差巡撫都
御史周批開如議行繳及蒙看得太倉州帶徵
南京朝天宮齋糧當萬曆十一年間有本色二分
之議以後該宮道士徑與各佃兌支相沿已久惟

是對支之後爭多競少兩者相持紛紛具呈所從來矣今經道府議定每米一石折銀叁錢五分每年限漕糧兌完之時該官道士與各佃遵照今議對支折銀給與印信合同爲照收者納者兩得其平如有違議仍踵前轍者以法懲之議論甚受爭端息矣移咨本部劄仰本司即便轉行該官照劄事理每年差委道士前去該州遵照撫院議定米價并取該州印信合同依期如數徵完之日報部發官散衆公用如有里佃故違拖欠貨抵差道徑呈本府追究道士亦不得多索假欠侵欺俱無違錯等因一向遵行在卷今奉前因擬合勒石以垂永久今後合該承佃官田人戶照依今議每米一石折銀三錢五分限於漕糧兌畢之時徑與本官差來道士對支納者不得短少收者不得多索豐凶一無加減完日稟州給與印信公文回照如佃戶虧少拖欠許差道指名呈稟以憑申究卽令退出前田聽該官差道另行召種決不爾貸各宜慎之萬曆三十四年七月日本府掌州事通判周官同知葛登瀛降補判官李枝秀據一詳吏目盧志魯南京禮部委差徵糧

七總庄丈過實在田地山貳百陸拾玖畝伍分貳厘

房地貳拾伍間

坐落上江二縣崇禮太南朱門新亭安德處真等六鄉又官前房地

共爲七處其田星散不一多係膏腴路程遠近不等

夏租銀共貳拾兩陸錢伍分叁厘

冬租米共柒拾石伍斗肆升壹合

冬租銀共壹拾貳兩叁錢肆分叁厘

上田玖拾柒畝柒分捌厘

夏租銀每畝伍分

共銀肆兩捌錢捌分玖厘

冬租米每畝肆斗

共米叁拾玖石壹斗壹升貳合

中田伍拾伍畝陸分伍厘

夏租銀每畝肆分

共銀貳兩貳錢貳分陸厘

冬租米每畝叁斗伍升

共米壹拾玖石肆斗柒升柒合

下田叁拾玖畝捌分肆厘

夏租銀每畝叁分

共銀壹兩壹錢玖分伍厘

冬租米每畝叁斗

共米壹拾壹石玖斗伍升貳合

地貳拾肆畝捌厘

夏租銀每畝壹分伍厘

共銀叁錢陸分壹厘

冬租銀每畝壹分伍厘

共銀叁錢陸分壹厘

山伍拾貳畝壹分柒厘

夏租每畝壹分伍厘

共銀柒錢捌分貳厘

冬租銀每畝壹分伍厘

共銀柒錢捌分貳厘

房壹拾伍間

夏租銀每間柒錢貳分

共銀壹拾兩捌錢

冬租銀每間柒錢貳分

共銀壹拾兩捌錢

房地壹拾間

夏租銀每間肆分

共銀肆錢

冬租銀每間肆分

共銀肆錢

官課

共銀壹拾肆兩柒錢肆厘

上元縣官糧正耗共銀叁兩捌

錢壹分

江寧縣官糧正耗共銀捌兩

捌錢玖分肆厘

工部房租銀貳兩

本庄盤費 共銀叁兩

以上除官課盤費外實上堂

夏租銀貳兩玖錢肆分玖厘

冬租米柒拾石伍斗肆升壹合

冬租銀壹拾貳兩叁錢肆分叁厘

條約

一冊籍

一佃帖

一租單

一管庄

一甲首

一官糧

一盤費

一災傷

一遠佃

一報完

以上各款俱照三大寺例詳載各寺租額條例
內可查該宮由產向多失業近有大住持徐
時中竭力清理東西中三洲已用價贖回本
宮自差道撥柴不經外人之手太倉州已移
文撫院議定折色七總庄溧陽庄俱各照例
輸納該宮能謹守條例則租額自此可永永
無失矣

常住公費出數

殿堂焚修公費 共銀伍拾陸兩

夏季存銀叁拾叁兩
冬季存銀叁拾叁兩

一大殿香燭燈油銀柒兩貳錢

殿二層每處每月
銀三錢閏月加筭

一 傍殿香燭銀米兩貳錢

殿六座每處每月銀一錢閏月加筭

一 小殿香燭銀叁兩陸錢

殿四座每處每月銀七分半閏月加筭

一 每初二十六齋供銀叁兩陸錢

一 神誕八次共銀貳兩肆錢

一 新正禮諸天一月茶點銀貳兩

冬季預存

一 老君降誕成道齋供銀貳兩

一 四月火醮銀叁兩

冬季預存

一 萬壽千秋齋供銀拾兩

夏季預存

一 一年節齋供銀伍兩

夏季預存

一 殿堂揭蓋銀拾兩

常住事務公費

道司在內

共銀伍拾玖兩

夏季存銀肆拾

兩 冬季存銀

拾玖兩

一紙劄筆墨銀肆兩

一茶果茶葉銀陸兩

一三遍習儀香燭茶果藉草銀拾伍兩

夏季預存

一公務襍費銀貳拾兩

科舉年加用銀叁兩

一常住小費銀捌兩

一年終歲報造冊送冊銀伍兩

夏季預存

一年終換諸山告示門牌銀壹兩

夏季預存

官住教學吏書俸糧

共銀壹百叁拾玖兩陸錢

夏季

拾銀陸拾玖兩捌錢
季給銀陸拾玖兩捌錢

一左右玄義貳員香薪銀共叁拾貳兩 米共肆

拾捌石折銀拾玖兩貳錢

一大住持貳名香薪銀共貳拾肆兩 米共叁拾

陸石折銀壹拾肆兩肆錢

一教學道士貳名修銀共貳拾肆兩

一道吏二名銀共陸兩

一書皂門庫夫伍名銀共貳拾兩

通經執事口糧 共道糧肆拾壹分 共銀肆拾玖

兩貳錢

夏季給銀壹拾陸兩肆錢
冬季給銀陸拾貳兩捌錢

米貳拾石

伍斗

俱季給

一 通經優給拾名 每名加道糧貳分

一 焚修提舉參名 每名加道糧壹分

一 知磬參名 每名加道糧壹分

一 管事貳名 每名加道糧壹分

一 書記貳名 每名加道糧貳分

一 直庫貳名 每名加道糧壹分

一 直日肆名 每名加道糧壹分

一 管殿參名 每名加道糧壹分

一 管庄 各庄筭有利益常住不必再給

泉道口糧 共銀叁百陸拾兩 夏季給銀壹百貳拾兩 冬季給銀貳百肆拾兩

米壹百伍拾石 俱夏 季給

一牒道貳百名 每名銀壹兩貳錢 夏季給銀肆錢 冬季給

銀捌 米伍斗

一學童壹百名 每名銀壹兩貳錢 夏季給銀肆錢 冬季給

銀捌 米伍斗

以上夏季收到冬租銀 用過貳百柒拾玖兩貳錢

科舉年加用銀叁兩又 閏月加銀柒錢伍分

餘剩貳拾兩捌錢 科舉年除銀叁兩 又閏月除柒錢伍分

冬租銀 用過叁百捌拾肆兩陸錢 閏月加銀柒錢伍分

餘剩叁拾捌兩捌錢捌分

閏月除銀
柒錢伍分

夏季收到冬租米 用過壹百柒拾石伍斗

餘剩米貳石捌升肆合

全真堂公費出數

每日瞻全真壹拾肆名

每全真一日算銀
壹分或米貳升

條約

一 殿堂焚修

一 常住事務

一 官住教學

一 通經執事

一 牒道口糧

一 學童口糧

一 全真堂供衆

一 撥佃借貸

一月報歲報

以上各款俱照三大寺例詳載各寺公費條例

內可查

道規條例

道錄司在內

一額設 道錄司額設左玄義一員右玄義一員

俱住朝天宮又大住持二員通經道士十名

題補與三大寺同獨考選卽用本宮無別宮可
以互調

一考補 左玄義缺本司就右玄義大住持三員

內考取二員送 堂右玄義缺大住持二員俱

考送大住持缺本司就通經道士內考取三名
送 堂各堂考填補考用道德南華二經出題
通經道士缺本司年終考補經作解義中觀住
持本司默經考補小廟首道卽道錄司選補事
例俱與三大寺同

一 禁費

一 詞訟

一 優恤

一 卯結

一 考校

一 度籍

以上各款俱照三大寺有各寺僧規條例可
查 附十家牌告示亦同